

All in for Kids

Txoj Kev Pab CLTS Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Txoj Kev Pab CLTS yog ib tsab ntawv xov xwm sau los faj seeb qhia rau koj thiab koj lub tsev neeg txog cov kev pab txhawb thiab cov kev pab uas muaj nyob rau hauv Txoj Kev Pab CLTS. Tsab ntawv xov xwm yog sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



Kej Txuas Tshiab Children's Long-Term Support Program (Txoj Kev Pab Txhawb Rau Me Nyuam Mus Ntev) Yuav Muaj Cov Kev Pab Tshiab

(Children's Long-Term Support Program Renewal Brings New Services)

Tsoom fwb teb chaw txua tshiab Children's Long-Term Support Program (Txoj Kev Pab Txhawb Rau Me Nyuam Mus Ntev) (CLTS) txhua tsib lub xyoos twg. Zaum txuas tshiab dhau los yog lub Ib Hlis Ntuj tim 1, 2022. Txhua zaus txuas tshiab txoj kev pab, Wisconsin Department of Health Services (Tuam Tsev Tswj Xyuas Kev Cov Kev Kho Kab Mob Kev Nkeeg) (DHS) yeej nrhiav cov kev txhim kho cov kev pab thiab kev pab txhawb rau cov me nyuam thiab cov tsev neeg.

Tsaib no, DHS tau sau ua ke cov ncauj lus tswv yim ntawm ib txoj kev txhawb kawm thiab cov kev sib tham saum huab cua ntawm niam txiv thiab neeg koom kev pab kom tau cov tswv yim los txhim kho Txoj Kev Pab CLTS. Twb tshaj tawm qhia ob yam kev txhim kho

H

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.

hauv All in for Kids (Txhua Yam rau Cov Me Nyuam) thaum Kaum Ob Hlis Ntuj 2021: Txoj Kev Pab CLTS tsab ntawv xov xwm:

- Kev txo tsawg cov neeg muab kev pab txoj kev khi ceev thiab kev cais tawm hauv Txoj Kev Pab CLTS
- Txhim kho txoj kev coj qhia cov tsev neeg muaj neeg hluas txoj kev hloov mus ua neeg laus

Koj nyeem tau txog cov kev hloov ntawm txoj kev pab hauv tsab ntawv xov xwm All in for Kids (Txhua Yam rau Cov Me Nyuam) thaum Kaum Ob Hlis Ntuj 2021 ntawm www.dhs.wisconsin.gov/library/akids21.htm.

Nyob rau hauv tsab ntawv xov xwm no, peb yuav tshaj tawm qhia ntau cov kev txhim kho rau txoj kev pab ntxiv: cov kev pab tshiab uas muaj rau cov me nyuam thiab cov tsev neeg.

Muaj Cov Kev Pab Tshiab Tam Sim No

Txoj Kev Pab CLTS zoo siab tshaj tawm qhia cov kev pab tshiab uas teev muaj nram no. DHS thiab cheeb koog cov koom haum yeej ua hauj lwm kom nrhiav tau thiab rau npe cov neeg muab kev pab thoob plaws hauv Wisconsin rau cov kev pab tshiab no. Yog tias koj txaus siab rau cov kev pab no, koj yeej tham tau nrog tus thawj support and service coordinator (thawj tswj xyuas kev txhawb thiab kev pab) (SSC) kom pab nrhiav cov neeg muab kev pab.

Kev Pab Tshiab	Nws Ua Dab Tsi
Kev noj qab haus huv thiab kev noj qab nyob zoo	Tswj los sis txhim kho txoj kev noj qab haus huv, kev noj qab nyob zoo, kev sib raug zoo, thiab kev txuam muaj tus me nyuam nrog koj lub tsev neeg thiab cov phooj ywg hauv lub zej zog
Kev tuav tswv yim thiab kev tiv thaiv txoj kev nyab xeeb	Muab cov khoom siv los sis cov kev pab uas txo tsawg teeb meem los sis kev txaus ntshai kom pab tus me nyuam nyob nyab xeeb hauv lawv cov tsev thiab cov zej zog
Cov khoom tshuab siv sib tham thiab cov kev pab txhawb	Kheev tus me nyuam tau cov kev pab ntawm Txoj Kev Pab CLTS thaum nyob nrug deb (hauv xov tooj, phiaj tablet los sis tshuab computer)
Discovery and career planning (Kev tshawb thiab kev npaj tswv yim khwv noj khwv haus)	Tsim muaj cov txuj ci uas pab tus neeg hluas mus ua tau txoj hauj lwm
Cov khoom zoo thiab cov kev pab ncaj qha rau neeg koom kev pab thiab tsev neeg	Muab cov kev pab, cov kev pab txhawb, thiab cov khoom siv uas koj lub tsev neeg tsis tau los ntawm Txoj Kev Pab CLTS los sis Medicaid kom pab tus me nyuam mus cuag lub hom phiaj deb
Cov kev pab khiav lag luam ncaj qha rau neeg koom kev pab thiab tsev neeg	Qhia cov ncauj lus thiab pab kom koj lub tsev neeg nrhiav tau thiab tswj tau koj cov neeg muab Txoj Kev Pab CLTS
Grief and bereavement counseling (kev txhawb zog siab rau kev tu siab thiab kev ploj tuag)	Kev pab rau tus me nyuam thiab/los sis koj lub tsev neeg ntoog txoj kev tuag ntawm ib tug me nyuam thiab cov kev pab txhawb rau koj lub tsev neeg tom qab me nyuam tuag

COV TSEV NEEG THOV KEV TXIAV TXIM DUA TAU

Tib neeg yeej muaj cov kev xav sib txawv ntawm ib lub sij hawm rau ib lub. Tib neeg txawm yuav ua zoo npaum li lawv ua tau los yeej tseem muaj kev tsis sib pom zoo. Txhua lub tsev neeg yeej muaj txoj cai tau kev txiav txim dua txog cov kev pab txhawb thiab cov kev pab hauv Division of Hearings and Appeals (Fab Tswj Xyuas Cov Rooj Sib Hais thiab Kev Rov Txiaiv Txim Dua). Koj yeej siv tau tsab ntawv thov tau lub rooj sib hais ntawm doa.wi.gov/Pages/LicensesHearings/DHAWorkandFamilyServicesUnit.aspx los sis kev sau ib daim ntawv. Xa koj tsab ntawv los sis daim ntawv sau mus rau: DHA, P.O. Box 7875, Madison, WI 53707-7875. Yuav tsis saib txoj kev thov txiav txim dua ua ib yam tsis zoo. Nws tsuas yog ib txoj kev daws cov kev sib txawv xwb.

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.

Daim ntawv Saib Ib Muag Cov CLTS Cov Txiaj Ntsim Kev Pab puav leej muaj cov ncauj lus tshiab txog cov kev pab tshiab. Koj yuav nrhiav tau nws ntawm www.dhs.wisconsin.gov/library/p-02570.htm.

Koj yeej tham tau nrog tus SSC txog cov kev pab tshiab no thiab seb lawv puas yuav pab tau tus me nyuam los sis koj lub tsev neeg kom ua tau raws lub hom phiaj. Koj yeej siv tau qhov txheej txheem Deciding Together (Txiaj Txim Ua Ke) kom paub seb cov ke pab no puas yog rau koj.

Yuav Tau Muaj Cov Neeg Muab Kev Pab rau Cov Kev Pab Tshiab

DHS thiab cov cheeb koog yeej ua hauj lwm xyuas kom muaj cov neeg muab kev pab txaus rau cov kev pab tshiab no hauv koj cheeb tsam. Koj yeej pab xyav qhia tau. Yog tias koj paub ib tug neeg muab kev pab uas yuav txaus siab muab cov kev pab no, thov qhia lawv rau SSC los sis mus xyuas daim ntawv tshaj xo saum huab cua ntawm www.dhs.wisconsin.gov/publications/p03182.pdf. Ua tsaug rau koj txoj kev pab! ❖

Lub Koom Txoos Circles of Life (Txoj Kev Ua Neeg) hauv 2022

Lub Koom Txoos Circles of Life (Txoj Kev Ua Neeg) yog ib lub rooj sib ntsib txhua xyoo rau cov tsev neeg uas muaj cov me nyuam tsis taus. Cov neeg muab kev pab thiab lwm cov kws tshaj lij uas pab txhawb cov tsev neeg thiab cov me nyuam puav leej mus koom lub koom txoos.

Nyob rau hauv lub koom txoos, koj yuav ntsib nrog lwm cov tsev neeg, koom cov kev kawm, thiab paub txog lwm cov chaw muaj kev pab thiab neeg muab kev pab tshiab. Cov dej num no yog rau tag nrho lub tsev neeg, nrog rau:

- Cov caij rau cov neeg hluas muaj cov kev tsis taus
- Cov kev pab rau cov kwv tij thiab viv ncaus
- Kev tu xyuas kom dim pa rau cov me nyuam me
- Family Fun Night (Hmo Lom Zem Rau Tsev Neeg) thiab noj kias lis sib raug zoo

Cov Ntsiab Lus Ntawm Lub Koom Txoos

Xyoo no lub koom txoos yuav muaj rau thaum Tsib Hlis Ntuj tim 12–13, 2022. Koj yeej koom tau tim ntsej tim mag los sis nyob nrug deb koom tau (saum huab cua).

Koom Tim Ntsej Tim Muag

Yuav muaj lub koom txoos nyob rau ntawm lub tsev tos qhua Holiday Inn Convention Center hauv Stevens Point, Wisconsin. Lub tsev tos qhua Holiday Inn yuav npaj tseg ib cov chaw pw rau cov neeg tuaj koom lub koom txoos uas xav pw hauv tsev tos qhua. Peb pom zoo kom cooj tseg cov chaw pw ntxov.

Nyob Nrug Deb Koom

Koj siv tau lub xov tooj, daim phiaj tablet los sis lub tshuab computer koom tau thaum nyob nrug deb. Yuav tshaj tawm lub koom txoos thaum Tsib Hlis Ntuj tim 12-13. Yuav puav leej muab kaw tseg kom koj saib tau tom qab

HAI KOM NCO TXOG

Deciding Together (Kev Txiaj Txim Ua Ke) yog ib txoj kev koom ua ib pab los txiaj txim txog cov kev pab txhawb thiab cov kev pab rau tus me nyuam thiab koj lub tsev neeg. Nyob rau hauv txoj kev no, koj yog tus tswv cuab tseem ceeb thiab yog tus tshaj lij txog koj lub tsev neeg cov hom phiaj. Muaj cov ntsiab lus txog Deciding Together (Kev Txiaj Txim Ua Ke) qhov txheej txheem nyob ntawm www.dhs.wisconsin.gov/library/p-02246.htm.

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.

mus. Mus xyuas Circles of Life (Txoj Kev Ua Neeg) qhov vas sab ntawm www.circlesoflifeconference.com kom paub ntxiv.

Rau Npe Koom Lub Koom Txoos

Yuav qhib kev rau npe koom lub koom txoos thaum Peb Hlis Ntuj tim 1, 2022. Muaj cov lus qhia nyob rau ntawm Circles of Life (Txoj Kev Ua Neeg) qhov vas sab ntawm www.circlesoflifeconference.com. ❖

Xav Tau Cov Niam Txiv Tswv Cuab Koom CLTS Council (Thawj Kav Xwm Pab Tswv Yim)

CLTS Council (Thawj Kav Xwm Pab Tswv Yim) yog dab tsi?

CLTS Council (Thawj Kav Xwm Pab Tswv Yim) muab cov kev pom zoo rau DHS txog Txoj Kev Pab CLTS txog kev pab cov me nyuam muaj cov kev tsis taus thiab lawv cov tsev neeg li cas. Pab thawj kav xwm pab tswv yim cov kev pom zoo yuav pab cob DHS txoj cai.

Feem coob ntawm CLTS Council (Thawj Kav Xwm Pab Tswv Yim) yog cov niam txiv ntawm ntau haiv neeg uas muaj cov me nyuam tsis taus. Cov niam txiv tswv cuab qhia ncauj lus txog lawv cov kev tau ntsib thiab cov kev tu ncuu ntawm cov tsev neeg. Lawv qhia lawv cov kev xav thiab cov tswv yim txog:

- Ntu twg ntawm Txoj Kev Pab CLTS ua hauj lwm zoo.
- Yuav tau txhim kho ntu twg ntawm txoj kev pab.
- Cov kev hloov ntawm txoj kev pab kom pab tau cov tsev neeg cov kev tu ncuu zoo dua.
- Cov kev rau txoj kev pab nqua hu cuag cov tsev neeg tshiab.

Lwm cov tswv cuab hauv pab thawj kav xwm pab tswv yim yog los ntawm cov koom haum pab tswv yim, cheeb koog cov koom haum pab neeg pej xeem los sis pab kev noj haus, thiab cov koom haum muab kev pab. CLTS Council (Thawj Kav Xwm Pab Tswv Yim) muaj txog 25 tus tswv cuab xaiv tsa tau.

Koom nrog CLTS Council (Thawj Kav Xwm Pab Tswv Yim)

CLTS Council (Thawj Kav Xwm Pab Tswv Yim) xav nrhiav cov niam txiv tswv cuab ntxiv. Cov tswv cuab ib txwm koom nrog pab thawj kav xwm pab tswv yim mus 2-3 lub xyoo.

Yuav muaj pab thawj kav xwm pab tswv yim cov rooj sib tham hauv 2022 thaum Plaub Hlis Ntuj tim 13, Xya Hli Ntuj tim 13, thiab Kaum Hli Ntuj tim 12. Cov rooj sib tham ib txwm pib thaum 9 teev sawv ntxov thiab xaus 2:30 tav su. Tam sim no, vim yog tus kab mob kis thooob ntiaj teb, pab thawj kav xwm pab tswv yim yuav nyob sib nrug deb sib tham hauv tshuab viv dis aus/xov tooj. Yuav muaj cov rooj sib tham yav tom ntej tim ntsej tim muag nyob rau hauv Madison, Wisconsin, uas muaj txoj kev nyob nrug deb koom thiab. Cov tswv cuab hauv pab thawj kav xwm pab tswv yim uas koom tim ntsej tim muag yuav tau nyiaj ntxiv rov rau cov puas noj, mais tsheb los sis cov nqi khiab chav pw hauv tsev tos qhua.

KOJ PUAS PAUB?

Txoj Kev Pab CLTS yuav them rau koj cov nqi mus koom lub koom txoos. Tham nrog tus SSC kom paub mee ntxiv. Lwm cov kev pab xws li Children's Community Options Program (Txoj Kev Pab Cov Kev Taug Rau Me Nyuam Hauv Zej Zog) (CCOP), yuav them duav cov nqi chav pw hauv tsev tos qhua.

KOOM KOM TXAIS TAU PEB COV NTAWV EMAIL

Kom tau txais ceev dua, rau npe kom tau tsab ntawv xov xwm no hauv tshuab hluav taws xob thiab lwm cov ntawv email txog Txoj Kev Pab CLTS. Mus rau public.govdelivery.com/accounts/WIDHS/subscriber/new?topic_id=WIDHS_554. Koj yeej puav leej rau npe kom tau DHS lwm txoj kev pab tu xyuas mus ntev cov ntawv email ntawm www.dhs.wisconsin.gov/dms/ltc-email-signup.htm. Tso siab lug qhia yog koj muaj cov phooj ywg los sis tsev neeg uas yuav txaus siab tau tsab ntawv xov xwm los sis Txoj Kev Pab CLTS.

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.

Cov niam txiv cov ncauj lus tswv yim hauv thawj kav xwm pab tswv yim tseem ceeb heev kawg nkaus! Xav paub ntxiv txog thawj kav xwm pab tswv yim thiab sij hawm rooj sib tham, mus xyuas pab thawj kav xwm pab tswv yim qhov vas sab ntawm www.dhs.wisconsin.gov/cltsCouncil/index.htm. Yog tias koj txaus siab xav ua ib tug tswv cuab ntawm thawj kav xwm pab tswv yim, koj nrhiav tau ncauj lus txog kev ua ntawv thov ntawm www.dhs.wisconsin.gov/cltsCouncil/parent-appointment-letter-2019.pdf. ❖

Cov Kev Ua Lom Zem Rau Tsev Neeg Caij Ntuj Tshiab

Caij ntuj tshiab twb yuav los txog! Thaum cov hnuv ntev zus thiab sov zus, koj yuav xav ntxiv qee cov kev lom zem rau koj lub caij nrog tsev neeg. Ntawm no yog qee cov tswv yim yuav pab txhawb rau tus me nyuam txoj kev kawm thiab kev loj hlob:

- **Mus xyuas lub chaw ua viav vias**—Tawm mus sab nraum zoov mus lam cua caij ntuj tshiab tom qab lub caij ntuj no ntev heev! Cov chaw ua viav vias muaj ntau yam rau me nyuam siv lawv cov txuj ci yas cev. Lawv puav leej yog cov chaw zoo tshaj plaws rau cov me nyuam xyaum kev ntaus phooj ywg nrog lwm cov me nyuam uas tuaj rau ntawd! Koj yuav tau:
 - Nrhiav tus nqaj yoog cev taug, los sis ib kab ntawm lub tiaj txawb pob los sis tiaj ntaus pob seb leej twg taug kev sib twb ntiv taw rau luj taws mus deb tshaj.
 - Xyaum dai thiab nce cov nqa.
 - Ua si hauv cov av suab puam los sis hmoov pob zeb. Khawb, nchuav, faus, los sis teeb ib lub nroog muaj cov kev tsheb thiab toj roob.
 - Muaj kev noj sus los sis noj txom ncauj nruab zoo nrog koj lub tsev neeg nrog cov khoom noj lawv nyiam tshaj.
- **Tu qab vag tsib taug thaum caij ntuj tshiab**—Ua hauj lwm yeej lom zem taus yog tias koj siv sij hawm ua ke ua! Kev khaws cov tog pas, kev rho nroj, los sis kev cog paj yog cov kev zoo kom muaj kev sib ncawg thiab qhuas koj cov dag zog tom qab tiav. Lawv puav leej yog cov kev qoj ib ce zoo!
- **Kob kos kab kev taug**—Kob kos kab kev taug lom zem rau koj txhua qib hnuv nyoog. Nws puav leej txhawb cov txuj ci siv yas cev me. Kos duab, xyaum sau cov zauv los sis cov tsiaj ntawv, dhia nees, los sis kos kab taug rau lub tsev neeg mus taug nrhiav kev tawm!
- **Muab cov kev ua si sab hauv tsev mus ua sab nraum zoov**—Muaj tswv yim thiab siv ib yam kev ua si hauv tsev mus ua rau sab nraum zoov. Ntawm no yog ib lub tswv yim: siv cov pa ntab hauv dej los sis hlua dhia mus teeb sib chab sib chaws hauv pem teb ua tic-tac-toe, ces siv cov pob zeb ua cov O thiab cov tog pas ua cov X.
- **Mus taug kev**—Nrhiav cov chaw li av suab puam, hmoov pob zeb, los sis nplais ntoo-sib tham seb lawv hnov sib txawv li cas ntawm koj txais taw. De paj dandelion (de tau ntau dua, zoo dua!). Qhov no puav leej yog ib lub sij hawm zoo heev los sis qhia dab neeg, hu nkauj, los sis ua si "raws tus thawj qab." ❖



**KEV LOM ZEM
RAU TSEV NEEG
CAIJ
NTUJ
TSHIAB**

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.

Cov Chaw Muaj Kev Pab Zoo rau Cov Tsev Neeg

Cov ncauj lus tshiab tshaj plaws txog COVID-19 hauv Wisconsin, nrog rau cov ncauj lus txog tshuaj tiv thaiv kab mob rau cov me nyuam, cov tshuaj tiv thaiv kab mob txhawb, thiab kev ntsuas kab mob:

www.dhs.wisconsin.gov/covid-19/index.htm

Txhua tus neeg 5 xyos thiab loj dua yeej mus txhaj tau tshuaj tiv thaiv kab mob COVID-19 dawb ntawm lawv tus kws kho mob, cov chaw txhaj tshuaj tiv thaiv kab mob hauv zej zog, cov tuam tsev tswj xyuas kev noj qab haus huv hauv zos thiab pawg neeg qhab, los sis cov khw muag tshuaj. Nrhiav kom paub ntawm:

www.dhs.wisconsin.gov/covid-19/vaccine-get.htm

Ncauj lus txog cov tshuaj tiv thaiv kab mob COVID-19 txhawb rau cov neeg muaj hnuv nyoog 12 xyos thiab loj dua uas txhaj tshuaj tiv thaiv kab mob txhij:

www.dhs.wisconsin.gov/covid-19/vaccine-dose.htm

Xav txhawb kom cov me nyuam muaj hnuv nyoog 2 xyos thiab loj dua muaj kev tiv thaiv ntawm COVID-19 los ntawm kev looj daim ntaub khwb ntsej muag. Kawm tau ntxiv ntawm:

www.dhs.wisconsin.gov/covid-19/parents.htm

Cov tswv yim rau kev sib tham txog cov tshuaj tiv thaiv kab mob COVID-19 nrog lub tsev neeg thiab cov phooj ywg:

www.dhs.wisconsin.gov/covid-19/vaccine-talk.htm

Ncauj lus txog kev pab khoom noj khoom haus thaum muaj tus kab mob kis thoob ntiaj teb:

www.dhs.wisconsin.gov/covid-19/forwardhealth-foodshare.htm

Cov ntawv xov xwm All in for Kids (Tag Nrho Rau Me Nyuam): Txoj Kev Pab CLTS:

www.dhs.wisconsin.gov/clts/waiver/family/index.htm (Rub rov haus mus rau ntu Cov Chaw Muaj Kev Pab.)

NCAUJ LUS RAU KOJ

Kev txhaj tshuaj tiv thaiv kab mob yog txoj kev tiv thaiv tau COVID-19 zoo tshaj plaws. Koj puav leej pab cheem tau txoj kev sib kis kab mob los ntawm:

- Looj daim ntaub khwb ntsej muag sab hauv cov tsev, hauv cov tsheb thauj neeg pej xeem los sis ntawm cov chaw ti sab nraum zoov.
- Nyob twj ywm hauv tsev thaum mob.
- Mus ntsuas kab mob yog koj muaj cov kev mob tshwm sim los sis tom qab nyob sib ze nrog ib tug neeg uas muaj tus kab mob COVID.

Cov ntaub ntawv muab sau rau hauv tsab ntawv xov xwm no yog tshaj tawm raws li Txoj Cai Kev Ruaj Ntseg (Social Security Act) § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam): Txoj Kev Pab CLTS yog ib tsab ntawv xov xwm sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) cov me nyuam thiab cov tsev neeg nyob rau hauv Txoj Kev Pab CLTS.

Txoj Kev Pab CLTS siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev los sis hauv lub zos. Tej zaum yuav siv nyiaj pab txhawb rau ntau hom kev pab raws li kev ntsuas tus me nyuam thiab tsev neeg cov kev tu ncu tshwj xeeb thiab cov hom phiaj los sis cov xav ua tau uas paub txog. Xav paub ntxiv, mus xyuas www.dhs.wisconsin.gov/children/index.htm.

Para leer este boletín en español, visite www.dhs.wisconsin.gov/library/akids22.htm.

Xav nyeem tsab ntawv xov xwm no ua Lus Hmoob, mus xyuas www.dhs.wisconsin.gov/library/akids22.htm.

Rau lwm cov lus (繁體中文, 简体中文, Deutsch, العربية, русский, 한국어, Tiếng Việt, Deutsch, ພາສາລາວ, Français, Polski, हिन्दी, Shqip, Tagalog, Soomaali): 608-266-8560.